

汉
魏
丛
书

汉魏丛书

右戴凱之竹譜一卷晁公武云凱之字慶預武昌人裒輯竹事四字一讀有韻類賦頌李邕鄆云未詳何代人按鍾嶸詩品以宋參軍戴凱入中卷云人實貧羸而才章富健文雖不多氣調警拔又見宋書鄧琬傳琬遣武昌戴凱之爲南康相與齊王世子戰敗遁走則凱之本宋人官爵事跡略有可攷且有詩名邕鄆博雅不審何以失於考証也此譜當是相南康時所作故書中所采竹族多在五嶺左右亦就所見聞言之耳其於篋簞條下注云

見方志賦蓋據劉淵林吳都賦注引異物志篋簞
生水邊長數丈圍一尺五六寸一節相去六七尺
或一丈廬陵畛有之與此云大者中甌文固有詳
略也又本賦竹則篋簞箴箴桂箭射筒柚梧有篋
簞篋有叢以筒叢爲韻而此文乃作射筒則傳寫
之訛也此書多有闕文訛字又原本題晉戴凱之
亦爲失考今並分別改正汝上王謨識

竹譜

晉戴凱之撰

南昌喻振聲校

植類之中有物曰竹。不剛不柔。非草非木。

山海經爾雅皆言以竹爲草。事經聖賢。未有改易。然則稱草良有難安。竹形類旣自乖殊。且經中文說又自皆訛。經云其草多族。復云其竹多箬。又云雲山有桂竹。若謂竹是草。不應稱竹。今旣稱竹。則非草可知矣。竹是一族之總名。一形之偏稱也。植

物之中有草木竹。猶動品之中有魚鳥獸也。年月

久遠傳寫謬誤。今日之疑。或非古賢之過也。而此之學者。謂事經前賢。不敢辯正。何異匈奴惡郅都之名。而畏木偶之質耶。

小異空實大同節目。

夫竹之大體多空中。而時有實十或一耳。故曰小異。然雖有空實之異。而未有竹之無節者。故曰大同。

或茂沙水。或挺巖陸。

桃枝篔簹多植水渚。篁篠之屬必生高燥。

條暢紛敷青翠森肅質雖冬蒨性忌殊寒九河鮮育
五嶺實繁

九河卽徒駭太史馬頰覆釜胡蘇簡絜鉤盤兩津
禹所導也在平原郡五嶺之說互有異同余往交
州行路所見兼訪舊老考諸古志則今南康始安
臨賀爲北嶺臨漳寧浦爲南嶺五都界內各有一
嶺以隔南北之水俱通南越之地南康臨賀始安
三郡通廣州寧浦臨漳二郡在廣州西南通交州
或趙佗所通或馬援所併厥跡在焉故陸機請伐

鼓五嶺表道九真也。徐廣雜記以剡松陽建安康樂爲五嶺其謬遠矣。俞益期與韓康伯以晉興所統南移大營九岡爲五嶺之數又其謬也。九河鮮育忌隆寒也。五嶺實繁好殊溫也。

萌筍苞籜夏多春鮮根榦將枯花復乃縣。

竹生花實其年便枯死。復竹實也。復音福。

紵必六十。復亦六年。

竹六十年亦易根。易根輒結實而枯死其實落土復生六年遂成町。竹謂死爲紵。紵音紵。

鐘龍之美。爰自崑崙。

鐘龍竹名。黃帝使伶倫伐之於崑崙之墟。吹以應律。聲譜云。鐘龍大竹。此言非大小之稱。笛賦云。鐘龍非也。自一竹之名耳。所生若是大竹。豈中律管與笛。

員正帝竹。一節爲船。巨細已聞。形名未傳。

員正帝俊竹。一節爲船。郭注云。一節爲船。未詳其

義。俊卽舜字假借也。

桂實一族。同稱異源。

竹譜 三
桂竹高四五丈，大者二尺圍，濶節大葉，狀如甘竹，而皮赤。南康以南所饒也。山海經云：靈原桂竹，傷人則死。是桂竹有二種，名同實異，其形未詳。

籥，尤勁簿，博矢之賢。

籥，細竹也。出蜀志：薄肌而勁中。三續射博箭籥音

衛見三倉

篳任，籥笛體特堅圓。

篳竹，堅而促節，體圓而質堅，皮白如霜粉。大者宜行船，細者爲笛。篳音皇見三倉。

棘竹駢深一叢爲林根如推輪節若束針亦曰筴竹城固是任筴筍旣食鬢髮則侵。

棘竹生交州諸郡叢生有數十莖大者二尺圍肉至厚實中夷人破以爲弓枝節皆有刺狄人種以爲城卒不可攻萬震異物志所種爲藩落阻過層墉者也或卒崩根出大如十石物縱橫相承如繆車一名筴竹見三倉筍味落人鬢髮單體虛長各有所育。

單竹大者如腓虛細長爽嶺南夷人取其筍未及

竹者灰煑績以爲布其精者如縠焉

苦實稱名甘亦無目

苦竹有白有紫而味苦甘竹似篁而茂葉下節味甘合湯用之此處處亦有

弓竹如藤其節郄曲生多臥土立則依木長幾百尋狀若相續質雖含文須膏乃縹

弓竹出東垂諸山中長數十丈每節輒曲旣長且軟不能自立若遇木乃倚質有文章然要須膏塗火灼然後出之篋臥竹上出也

厥族之中蘇麻特奇修幹平節大葉繁枝凌羣獨秀
蓊茸紛披

蘇麻竹長數丈大者尺餘圍概節多枝叢生四枝
葉大如履竹中可愛者也此五嶺左右徧有之
篳簹射筒。箨箨桃枝。長爽纖葉清肌薄皮千百相亂。
洪細有差。

數竹皮葉相似篳簹最大大者中甌筍亦中射筒
薄肌而最長節中貯箭因以爲名箨箨葉薄而廣
越女試劒竹是也桃枝是其中最細者並見方志

賦桃枝皮赤編之滑勁可以爲席顧命篇所謂篾
席者也爾雅釋草云四寸一節爲桃枝郭注云竹
四寸一節謂桃枝余之所見桃枝竹節短者不兼
寸長者或踰尺豫章編有之其驗不遠也恐爾雅
所載草族自別有桃枝不必是竹郭注加竹字取
之謬也山海經云其木有桃枝劒端又廣志草木
篇云桃枝出朱提郡曹爽所用者也詳察其形寧
近於木也但未詳爾雅所云復是何桃枝耳經雅
所說二族決非作席者矣廣志以藻爲竹是誤後

生學者往往有爲所誤者耳。

相繇旣戮。厥土維腥。三堙斯沮。尋竹乃生。物尤世遠。略狀傳名。

禹殺共工相繇二臣。膏流爲水。其處腥臊。不植五穀。禹三堙皆沮。尋竹生焉。在崑崙之北。南嶽之山。見大荒北經中。

般腸實中。與笹相類。於用寡宜。爲筍殊味。

般腸竹。生東郡緣海諸山中。其筍最美。云與笹竹相似。出閩中。並見沈志。其形未詳。其味坐飲日南。

筋竹爲矛。稱利海表。僅仍其幹。刃節其杪。生於日南。別名爲簞。

筋竹長二丈許。圍數寸。至堅利。南土以爲矛。其筍未成竹時。堪爲弩弦。見徐忠南中奏。劉淵林云。夷人以史葉竹爲矛。余之所聞。卽是筋竹。豈非一物而二名者也。

百葉參差。生自南垂。傷人則死。醫莫能治。亦曰箒竹。厥毒若斯。彼之同異。余所未知。

百葉竹。生南垂界。甚有毒。傷人必死。一枝百葉。因

以爲名。沈志劉淵林云：箒竹有毒，夷人以刺虎豹。中之輒死。或有一物二名，未詳其同異。箒與由衙，厥體俱洪，圍或累尺。箒實衙空。南越之居梁柱是拱。

箒實厚肥，孔小，幾於實中。二竹皆大竹也。土人用爲梁柱。箒竹，安成以南有之，其味苦，俗號箒由衙竹。交州廣志云：亦有生於永昌郡，爲物叢生。吳郡賦所謂由衙者，箒。箒音雹，性柔弱。見三倉。竹之堪杖，莫尙於箒。磔磔不凡，狀若人功。豈必蜀壤。